

درسعادته یکی پوسته خانه قارشوسنده
 دائره مخصوصه در
 محل اراره:

مرآت القلوب

دین، فلسفه، ادبیات، حقوق و علوم دین باحث هفته لق رساله در

افطار:
 مسکله مزه موافق آثار جدیه مع المنزیه قبول اولنور
 درج ایدیلیم آثار اعاده اولنور

مؤسسلری: ابوالعلا زین العابدین - ح. اشرف ادیب

درسعادته	سنه لکی	القی ایلغی
ولایاتده	۶۵	۳۵
ممالک اجنبیه ده	۹۰	۵۰
	۱۰۰	۵۵ غروشدر

تاریخ تأسیسی:
 ۱۱ نموز ۳۲۴

درسعادته نسخه سی ۵۰ پاره در
 قیریلده دن مقوا بورو ایله کوندریلیرسه سنوی
 ۲۰ غروش فضلہ آلتیز.
 درسعادته پوسته ایله کوندریلیرسه ولایات بدلی اخذ اولنورده

عدد: ۳

۳۲۶ شعبان ۱۴ پنجشنبه ۲۸ اغستوس ۳۲۴

برنجی سنه

«توحید» ک اصل معنای جناب واجب الوجودی بر و شریکدن بری اعتقاد ایتک اولوب ذات اللهدن، ذات الله اثباتی واجب و یا خود اثبات ونفی جائز اولان صفاتدن، رسل کرامتدن، رسل کرامتک اثبات رسالتدن، کندولرینه اسنادی جائز و یا مجتمع اولان خصوصاتدن بحث ایدن علمده علم اولمشدرکه وجه تسمیه بو علم شریفک اک مهم جزئی «توحید» میخی اولمشیدر.

فی الحقیقه جناب حقک ذاتده، صفاتده، افعالده واحد اولدیغنه و مرجع اکوان و منتهای مقاصد یالکز او اولدیغنه اینانق اعتقاد صحیحک قل طاشی مثابه سنده اولدیغی جهته ابیای سنفک وبا خصوص بنی آخر زمان علیه صلوات الرحمن افندمن حضرت تلیزینک بهشت شریفه لرندن اک بیوک مقصد بودر.

علم توحیدک مناسبی دلیل عقلی اولوب معتقدات صحیحی اثبات ایچون دلیل نقلی یه نادرأ مراجعت ایدلدیکی و بودلائک ایراد وتقویه سی ایچون مداوله بحث و کلامه مجبوریت حاصل اولدیغی ایچون «علم کلام» دخی تسمیه اولمشدر.

عقاید حقیهی تقرير و لسان انبیادن صادر اولان حقایق ایضاح و تبیین ایچون وضع ایدیلن بو علم ظهور اسلامدن اول دخی موجود ایدی هرامتده رؤسای دین طرفندن محافظه عقاید چالیشیلور ایدی. لکن تاریخشناسانک معلومی اولدیغی اوزره بو رؤسا رسل کرامتک کندیلرینه تلقین بیوردلری دینک صفوت و نزاهتنی حقیقه محافظه ایتدکلری و طریق حقدن عدول ایدرک طوغری بی یلان، یا کلاش بر چوق شیلرله تحریف ایتدکلری ایچون اثبات مدعی ضمیمه دلیل عقلی یه مراجعت ایتک و طبیعت موجوداتدن نظام کائناتدن استنباط اولنان و هیچ بر عقل سلیم طرفندن انکار ایدیله میان قوانین و حقایقه بنای رأی و اعتقاد ایتک جهته اصلاً یناشده منلردی. حتی آنلرک الزام خصم ایچون دین نامنه سوق ایلدکلری ادله ایله عقل آراسنده مباینت تامه موجود اولدیغی جهته اکثریاً عقل ایله دینک امتزاج قبول ایتز ایکی دشمن اولدیغی ادعا و علم کلام نامیه اورتهیه قویدلری. کنابلری معناسر تأویلات و تفسیرات ایله طولدیرمق و جهله ناسی او هام و خیالات ایله قورقوتقله اکتفا ایدرلردی. برآزده عقلنه طائشهرق کشف حقایقه چالیشانلره و بو صورتله دینه قاریشیدرقلری اعتقادات باطله دن طولای جزئی شبهه ایدرکی کورونلره قارشو اک برنجی سلاحلری «صاقین دوشونمه ضالانده قالورسک» کی سوزلره خاصه ملاحظه و تمیزلرینی اللرندن آلمقدن بشقه برشی دکلدی.

اعتقادک بو تذنبینه، اک بیوک موهبه سبحانه اولان عقلک بو محقوریتنه خاتمه چکن بهشت محمدیه (صلی الله علیه وسلم) و نزول قرآن اولدی.

قرآن کریم اعتقادات زایفه بی محو ایچون صاعقه سماوی، ظلمات جهل و غبارتی صیرمق ایچون برق جهانفروز الهی اولدی. دین مبینی تلقین ایچون کتب سماویه دن هیچ برینک آچدیغی برشهرای آچدی. هادی مطلقک خطاب عزیزیله آچیلان بو شهره سلامت ینه و دیعه

تحصیل ایده بیلیر. بو، فضله، مجلس برزیتدر. برقادین اگر قدرتی وارسه بونیده الله ایده بیلیر. شریعتیز بوکا مانع اولمز، بلکه تشویق ایدر. شریعت محمدیه قادیلرمنه صوکه درجه شفقت و مرحمت کوسترمیش و آنلرک بتون حقوقی تحت تأمین آلمشدر. بوندن باشقه برچوق امتیازات دخی بخش ایلشدر. ازجمله بر ارکک هم کندی نفقه سنی، هم زوجیه سنک و چوقلرینک نفقه سنی و بوتون محتاج اولدقلری شیئی تدارک مجبوردر. حالبوکه برقادین بونلردن هیچ بریسنی تدارک مجبور دکلد. نفقه سکنی و سائر کی شیلری تدارک محضراً ارککلره تحمیل ایدلشدر. برقادینک قبل الازدواج بتون مصارفی باباسنه عأددر. باباسی یوق ایسه قارداشنه عأددر. اوده یوق ایسه، باباچندن ده کندیسنه برمال انتقال ایتمهش ایسه بیت الماله لازمدر. بعد الازدواج دخی حکم بویلهدر. یعنی زوجنه، وفات ایتش ایسه مالی ده یوق ایسه باباسنه، قارداشنه، ذی رحم محرمنه، بونلرکده مالی بولمادیغی تقدیرده ینه بیت الماله عأددر. ایسته کورولور که شریعت محمدیه ده برقادین هیچ بروقت معیشت جهتنی دوشونمکه مجبور دکلد. حتی برقادین ینک پیشیرمهیه، چاشیر بیقامیه، بعض شرائطک وجودی تقدیرنده چوجغنی احزیر. مهیه بیلله - حسب الدیانه مجبورسده - قضاء مجبور دکلد. یعنی بونلری یا بقی ایچون حاکمک جبر ایتیه صلاحیتی یوقدر.

شیمدی انصاف ایدلم قادیلره بو قدر امتیازاتی شریعت محمدیه دن باشقه هانکی قانون، هانکی شریعت بخش ایتشدر... بونک ایچوندر که قادیلرمنه اقوام سائرک قادیلری کی تجارت، و سائر مه سلوکه مجبوریتنده دکلد. فی الواقع فاطمه علیه خانم حضرت تلیزینک دیدیکی کی قاعده استره رعایت شرطیله بزده ده قادیلر تجارت ایده بیلیر، اخذ و اعطا ایلده بیلیر. بوکا بر مانع یوقدر. نته کیم بلاد اسلامیه نک اکثریسنده بو حال مشاهده اولوغقددر. فقط بزم بحشمز اساساً بونلرک شوکی معاملات ایله مشغول اولملرینه شرعاً مجبوریتلری اولمادیغی سونلکدر. هم ده اولمالی در. چونکه قادیلرک بویله ارککلره مخصوص اولان وظائفله مشغولیتلری کندی وظائف اصلیه لرینی اخلاص بادی اوله جفندن انلرک بوکی شیلر ایله اشتغاللری موافق حکمت و مصلحت دکلد.

موسی فاضل

دور استبرادده مکتب سلطانیده و بزمیله درسدرد

علم توحیدک تعریفی، صورت تدوینی، غایتی

«علم توحید» عقائد دینییه اثبات ایچون ادله یقینه دن بحث ایدن علمدر. ثمره سی ذات واجب الوجودک و رسل کرامتک صفاتی براهین قطعیه ایله اوکرنوب سعادت ابدیه نزل اولمقدر.

بر علمک شرفی معلومک شرفی ایله متناسب اوله جفندن و بو علم جلیل ایسه ذات الله ایله انبیای عظام حضراتنه تعلق ایتدیکندن علوم دینیته نک اصل و اساسی و بالجله علومک اجل و اعلا سیدر.

رحمن اولان عقل و فکره سلم عروج اولق اوزره کوسترین شهره هدايتدن بشقه سی دکدی . اون درت عصر اول یشایان جمعیت بشریه اوطریق مستقیمدن کمال امن و سلامته کیتدیکی کبی بوندن صوکرده بوخا کداندن انسان نامی پایدار اولدجه ینه کیدیله بیلجکدر .

قرآن عظیم الشان نبوت محمدیه نک صحتی اثبات ایچون ازمئه سالفه ده بعث انبیای اثبات ایچون طوتیلان طرز ایله استدلال ایتدی . دلیل ، ینه کندیسنک کلام الله اولدیغنه ، بلغای اعجاز ایدن ، حقوق بشرک فوقنده ارلان ، ماورای سرادقات جلالدن صدورینه هیچ بر عارف سخن شناسی اشتباهده براقین فصاحت و بلاغت خارق العاده سنی حصر ایدرک مقام الوهیه دائر بیلکله و یاخود اعتقاد اتمکله مکلف اولدیغمن شیلرک کافه سی تلقین ایتدی . لکن بونلرک هیچ برینه کور کورینه اینانعه ی تکلیف ایتده دی . هپسی تمهید ایلدیکی براهین ساطعه ایله تأیید ایتدی . مذاهب مخالفه اربابی حیت سالفه صمدانیه ایله الزام و الحاق ایتدی .

حیرتبخش ادراک اولان بوجادلانده مخاطبی هپ عقل سلیمدر . اهل اذعان اقناع ایچون دائماً عقلارینی ساحه بی انتهای عوالمه سوق ایدیور . عجایب ملک و ملکوتی کوسترمک ایچون دستیاری ارشاد الهی ایله جهان جهان طولاشدیریور . نظام بدیع اکوانی تدقیق اتمکی ، آفاق و انفسده کی آیات بینات قدرتی سیرونماشا ایلکی امر ایدیور . تلاوتیله حالوتیاب اولانلری ایکی ده برده (اولم یتفکروا ما بصاحبهم من جنة ان هو الاذیر مبین اولم ینظروا فی ملکوت السموات والارض وما خلق الله من شیء) [۱] (اقل ینظروا الی السماء فوقهم کیف بنیناها ووزیناها وما لها من فروج) (وفی الارض آیات للموقنین وفی انفسکم افلا تبصرون) [۳] (اقل یسیروا فی الارض فتکون لهم قلوب یعقلون بها او آذان یسمعون بها فانها لا تعمی الابصار ولكن تعمی القلوب الی فی الصدور) [۴] (قل سیروا فی الارض فانظروا کیف بدأ الخلق ثم الله ینشی النشاء الآخرة ان الله علی کل شیء قدیر) کبی آیات کریمه ایله ایقاظ ایدیور . دیدن بصیرت لرینی پرده غفلت بورومش اولانلری ، اعمال فکر و نظردن تحاشی ایدنلری (لهم قلوب لا یفقهون بها ولهم اعین لا یبصرون بها ولهم

[۱] بونلر دوشونمورلری که حضرت محمد (علیه السلام) ده جنون یوقدر . اودات شریف آنجق وظیفه رسالتی علناً اجرا ایدر بر نذیردر . بونلر ملکوت سموات وارضه و جناب حق هر ایکسندنه ساحه وجوده کتیردیکی عجایب خلقه باقبورلری ؟

[۲] بونلر باشلرینک اوزرنده کی بنیاد معظم سمواته باقبورلری ؟ آتی هر درلوعیوبدن سالم اوله رق نصل بنا ایدوب نصل ترین ایتدی کمزی دوشونمورلری ؟

[۳] اهل ایقان ایچون یر یوزنده قدرت و وحدانیت الهیه یی اثبات ایدر نیجه دلائل وارددر ، نفسکرده برجوق آیات بینات موجوددر . سز بونلره باقبورمیسکر ؟

[۴] یا محمد ! منکرینه دی که یر یوزنده سیر و سفر ایدوب اطرافکره نظر هبرته باق جناب حقک بونجه مخلوقات نمونه سز اوله رق یوقدن نصل وار ایتدیکی کورک صکره آخرته ده کندی لرینی ایشته بویله جه بردها بعث وحشر ایده جکدر ، شبهه سز که جناب حق هر شیئه قادردر .

آذان لایسمعون بها اولنک کالانعام بل هم اضل اولنک هم الغافلون) [۱] کبی تقریعات شدیدیه ایله تذلیل و تحقیر ایدیور . اکوانه حاکم اولان قوانین الهیه نک تغیر و تبدلدن مصون اولدیغنی اعلان ایدن ، قرآندر . (سنة الله الی قدخلت من قبل ولن تجد لسنة الله تبدیلاً) [۲] خصمای دین ایله مباحثه و مجادله ایدرکن غلظت و شدتدن توقی ایدلمسنی امر ایدن ینه قرآندر . (ولانستوی الحسنه ولا السیئة ادفع بالی هی احسن فاذا الذی بینک و بیننه عداوة کانه ولی حمیم) [۳] « ولو کنت فظاً غلیظ القلب لانفضوا من حولک » [۴]

ایشته کورولیورکه عقل ایله دین بیننده اخوت تامه بولوندیغنی برنجی ذیشان لسانندن تأویل قبول اتمیه جک صورتده اک اول اعلان ایدن ، معلومات دینییه ی رؤسای روحانیه نک ید انحصارندن قورتاران ، عقلی مضیق حبسنندن چیقاروب نهایتسز فضالرده جولانیه مساعده ایدن کتاب سماوی قرآن عظیم الشاندر ، بونک ایچوندرکه کافه اهل اسلام ، قضایای دینییه میاننده وجود باری بی بیلک جناب حقک ارسال رساله قدرتی اولدیغنی اعتقاد اتمک کبی خصوصاتک انجق طریق عقل ایله تصدیق ایدیله بیله جکنه واحکام دینییه ده فهم و ادراکک یتشه میه جکی شیلر بولونسه بیله عقلاً مستحیل اولان شیلر بولنه میه جفنی متفقاً قرار و پر مشدر . - مابعدی وار -

احمد نعیم

نجائب قرآنیه

سوره بقره : آیت - ۳۰

« وَاِذْ قَالَ رَبُّكَ لِلْمَلٰٓئِكَةِ اِنِّیْ جَاعِلٌ فِی الْاَرْضِ خَلِیْفَةً قَالُوْا اَتَجْعَلُ فِیْهَا مَنْ یُّفْسِدُ فِیْهَا وَیَسْفِكُ الدِّمَآءَ وَنَحْنُ نُسَبِّحُ بِحَمْدِكَ وَنُقَدِّسُ لَكَ قَالَ اِنِّیْ اَعْلَمُ مَا لَا تَعْلَمُوْنَ »

یاد ایت اول دمی دخی که ربک ملکره بن روی زمینده خلیفه [نصب و تعیین] ایده جکم دیدی . انلر دیدیلر که [نسل و ذریتی] یر یوزنده فساد ایده جک و [بغیر حق] قائلر دوکه جک کیسه یی می

[۱] آنلرک قلیلری وارددر ، لکن آنکله طریق خیر و هدایتی بوله مازلر . کوزلری وارددر ، لکن آنلرله کاشاته نظر عبرتله باقازلر . قولالری وارددر ، لکن مواظ و حقایق استماع ایتزلر . بونلر حیوان کی در ، بلکه نفع و ضرر لرینی بیلمدکری ایچون حیواندن ده زیاده ضالانده درلر . ایشته بونلر غافلردر .

[۲] بو اوتهدن بری جاری اولان سنت الهیه در . سنت الهیه یه ایسه تبدیل و تحویل عارض اولدیغنی کوره مرسک .

[۳] سیئه ایله حسنه هیچ بر زمان مساوی اولماز . برسیئه کوردیکک وقت آتی ده کوزل بر صورتله دفع ایت ! غضبه قارشو صبر و حلم ، جهاله قارشو علم ، کوتولک قارشو عفو ایله مقابله ایت ! بوله یابارسه ک سنکله آره سنده عداوت اولان کیسه برده باقارسک که یار جان کبی اولمش .

[۴] قسوت قلب صاحبی بداخلاق برکیسه اولایدک ، سنک یانکدن طاغیا پرلردی .